

# *Perqué utilizar un blòg de classa ?*

## *Las diferentas formas de blòg :*

Existisson dos tipas de blògs :

### **Lo blòg tribal**

- es public, son adreça es coneguda dels rets ;
- testimònia dels moments fòrts de la vida collectiva ;
- compren d'imatges nombrosas, de comentaris.

Lo blòg tribal collectiu fa referéncia als luòcs de vida quotidiana (dins nòstre cas l'escòla, lo barri...) es integrat dins las activitats comunas. Lo blòg tribal collectiu renfòrça lo sentiment d'apertenéncia e ven pauc a pauc un supòrt que permet a cadun de se remembrar los elements partejats.

### **Lo blòg jornal « extime »**

Centrat sus la personalitat de l'adolescent, se sarra del jornal intime o de la cronica personala. Es principalament utilizat coma un luòc de bastison personala.

## *Los avantatges :*

Dins la vida quotidiana, los avantatges de l'utilizacion d'un blòg son :

- Facilitar de la publicacion

La publicacion de tèxtes, de fichièrs multimedià, l'insercion de ligams « Hypertextes », de totes los tipas de documents (tèxtes, imatges, videòs, discussions...) demandan pas de coneissenças especificas e s'utiliza sus totes los aparelhs informatics.

Aquesta utilizacion aisida e rapida permet a l'autor d'un blòg de lo metre a jorn regularament e de o personalisar aisidament.

- Publicacion es aisida e cronologica

La pagina d'acuèlh d'un blòg alica un classament dels articles per òrdre cronologic. Lo contengut es estructurat e met en evidéncia l'evolucio de las informacions dins lo temps.

- L'albergament d'un blòg es gratis.

- Lo public es multiple. Las personas que fan de cercas sus internet cap al subjècte del blòg o pòdon trobar demercé als motors de cerca.

### D'un punt de vist pedagogic :

- Lo projècte es cooperatiu e lo trabalh se fa en grop.

- L'utilizacion es dinamica per la creativitat e l'autonomia dels escolans.

- Es un espaci de valorizacion dels escrits de l'escòla cap a l'exterior.

- Las interaccions son nombrosas e permeton als escolans de valorizar lor trabalh.